



---

Broj: 02/1-50-8-22-39/17  
Veza broj: 01-02-1-814/17  
Sarajevo, 29.9.2017.

„Aarhus centar u BiH“

Behdžeta Mutevelića 39, 71 000 Sarajevo

„Centar za životnu sredinu“

Miše Stupara 5, 78000 Banja Luka

Udruženje „Koalicija bez krzna“

Skenderpašina 15, 71 000 Sarajevo

Udruženje za zaštitu životinja „Av-Mau“

Grbavička 81/1, 71 000 Sarajevo

„Mi smo dio rješenja“

Hamdije Čemerlića 7, 71 000 Sarajevo

Udruga uzgajivača i simpatizera činčila

Čitluk bb, Posušje

„Udruga uzgajivača i simpatizera krznaša“

Podgrab bb, Pale

Udruženje građana prijatelja prirode „Eko Element“

307 mbr 88 70230 Bugojno

„Lir Evolucija“

Petra Kočića 1c, 78 000 Banja Luka

„Društvo za istraživanje i razvoj“

Džafer Mahala 66, 75000 Tuzla

Ured za Veterinarstvo BiH

Ministarstvo vanjske trgovine i ekonomskih odnosa BiH

Pravni institut u BiH

A.B. Simića 3, 71000 Sarajevo

Željko Majstorović

Ekološki pokret gorana FBiH

Prof.dr. Abdulah Gagić

Univerzitet u Sarajevu, Veterinarski fakultet

Poštovani,

Pred Parlamentarnom skupštinom BiH vodi se postupak donošenja Prijedloga zakona o izmjeni i dopunama Zakona o zaštiti i dobrobiti životinja. U organizaciji Ustavnopravne komisije Doma naroda Parlamentarne skupštine Bosne i Hercegovine (u daljnjem tekstu: Ustavnopravna komisija), održana je Javna rasprava o prijedlogu ovog zakona u utorak, 5.9.2017., s početkom u 10 sati.

Javni poziv svim zainteresiranima da učestvuju u Javnoj raspravi objavljen je na internetskoj stranici Parlamentarne skupštine Bosne i Hercegovine ([www.parlament.ba](http://www.parlament.ba) – linkovi - javne rasprave) mjesec dana prije njenog održavanja. Također, pozivi na adresu ili putem faksa ili e-maila dostavljeni su: Vijeću ministara Bosne i Hercegovine, svim poslanicima i delegatima u Parlamentarnoj skupštini BiH, Ministarstvu vanjske trgovine i ekonomskih odnosa BiH, Uredu za veterinarstvo BiH, Delegaciji Evropske unije u Bosni i Hercegovini, Misiji OSCE-a u BiH, svim nadležnim entitetskim i kantonalnim ministarstvima, Fondu za zaštitu okoliša Federacije Bosne i Hercegovine, Fondu za zaštitu životne sredine Republike Srpske, Udruženju „Aarhus Centar u BiH“, Udruženju „Koalicija bez krzna“, Udruženju uzgajivača i simpatizera činčile, Udruženju uzgajivača i simpatizera krznaša, Udruženju za tekstilnu, kožarsko-prerađivačku i gumarsku industriju te drugim pojedincima.

Razlog organiziranja Javne raspravi bili su zaprimljeni dopisi Udruženja „Aarhus centar u BiH“, „Udruženja uzgajivača i simpatizera činčile“ i Udruženja „Koalicija bez krzna“. Udruženje „Aarhus centar u BiH“ naročito je ukazivalo na odredbe Arhuske konvencije, koje zahtijevaju od zakonodavnih organa, koji donose zakone i druge akte, a koji se odnose na pitanja ekologije, da moraju uključiti javnost. Bosna i Hercegovina je prihvatila ovaj međunarodni dokument, te ima obavezu i da ga provodi. Zbog toga je Ustavnopravna komisija na 37. sjednici, održanoj 18.7.2017., donijela odluku o održavanju Javne rasprave, o čemu je isti dan obavijestila predsjedavajućeg Doma naroda.

Javnoj raspravi prisustvovalo je više od 100 učesnika, predstavnika zakonodavne i izvršne vlasti u BiH, kao i predstavnika proizvođača kože i krzna, te akademske zajednice, nevladinih i međunarodnih organizacija.

Predsjedavajući Ustavnopravne komisije Halid Genjac održao je uvodni govor. Između ostalog, istaknuo je da tokom amandmanske faze predviđene Poslovníkom Doma naroda nije bilo uloženih amandmana na Prijedlog zakona o izmjeni i dopunama Zakona o zaštiti i dobrobiti životinja, ali da je Komisija zbog zaprimljenih dopisa udruženja zaključila da je potrebno uključiti javnost u proceduri donošenja ovog prijedloga zakona.

Na Javnoj raspravi učesnicima se obratio poslanik Predrag Kožul, kao ovlaštení predlagač zakona, zatim predstavnici udruženja: „Koalicija bez krzna“, „Krzno Evrope“, „Aarhus centar u BiH“, „Mi smo dio rješenja“, Amela Begović, vlasnica farme kuna u Podgrabu, predstavnici Udruge uzgajivača činčila, Emir Bešlagić, direktor i vlasnik firme „Nerzz Bešlagić“, Abdulah Gagić, profesor na Veterinarskom fakultetu, Željko Majstorović, klimatolog, te predstavnici nadležnih ministarstava.

Nakon rasprave, Halid Genjac, predsjedavajući Ustavnopravne komisije, zaključio je da je održavanjem ove javne rasprave postignut njen cilj, jer su iznesena različita mišljenja o ovoj problematici. Istaknuo je da osim pisanih materijala koji su dostavljeni na samoj javnoj raspravi, svi učesnici mogu i u naredna tri dana, odnosno do 9.9.2017. dostaviti svoja mišljenja ili komentare u pisanoj formi. Po završetku Javne rasprave svi učesnici imali su priliku dati izjavu za medije.

Transkript Javne rasprave objavljen je na internetskoj stranici Parlamentarne skupštine Bosne i Hercegovine kako bi se svi zainteresirani mogli upoznati s tokom Javne rasprave. Izvještaj s Javne rasprave, zajedno sa transkriptom, svim pisanim materijalima priloženim u toku i nakon Javne rasprave dostavljeni su: svim poslanicima i delegatima u Parlamentarnoj skupštini BiH, klubovima naroda u Domu naroda, nenadležnim komisija Doma naroda kao i Vijeću ministara BiH. Također, Izvještaj sa svim nabrojanim dokumentima objavljen je na internetskoj stranici Parlamentarne skupštine BiH, u sklopu 33. sjednice Doma naroda pod tačkom: Prijedlog zakona o izmjeni i dopunama Zakona o zaštiti i dobrobiti životinja (drugo čitanje), predlagač: Predstavnički dom Parlamentarne skupštine BiH, zakon broj: 01-02-1-814/17, od 25.4.2017. Isto tako, materijali dostavljeni nakon 9.9.2017. upućeni su svim članovima Ustavnopravne komisije.

Na 38. sjednici Ustavnopravne komisije, održanoj 19.9.2017., ponovo je razmatran Prijedlog zakona o izmjeni i dopunama Zakona o zaštiti i dobrobiti životinja, predlagač: Predstavnički dom Parlamentarne skupštine BiH, zakon broj: 01-02-1-814/17, od 23.4.2017. (postupak u nadležnoj komisiji – faza II., postupak u skladu s čl. od 108. do 113. Poslovnika Doma). Naglašavamo činjenicu da je sjednica Ustavnopravne komisije bila otvorena za javnost i medijski je bila popraćena. Uzimajući u obzir različita mišljenja iznesena na Javnoj raspravi, kao i sve dostavljene pisane materijale, članovi Ustavnopravne komisije, s četiri glasa „za“ i jednim glasom „protiv“, podržali su Prijedlog zakona o izmjeni i dopunama Zakona o zaštiti i dobrobiti životinja zajedno sa usvojenim amandmanom, čiji je predlagač bila delegatkinja Ljilja Zovko. Prilikom donošenja ovakve odluke, koja je rezultat Javne rasprave, vodilo se prvenstveno računa o zaštiti okoliša, ali i o trenutnoj ekonomskoj i socijalnoj situaciji u zemlji. Napominjemo da svaki član Ustavnopravne komisije, kao delegat Doma naroda Parlamentarne skupštine BiH, ima pravo glasati u skladu s vlastitim opredjeljenjem, o svakom pitanju ili materijalu koji je na dnevnom redu sjednice, u skladu sa ustavnim i poslovničkim ovlaštenjima koja su mu data.

Uz ovo obavještenje, dostavljamo vam: Izvještaj o javnoj raspravi o Prijedlogu zakona o izmjeni i dopunama Zakona o zaštiti i dobrobiti životinja, transkript Javne rasprave, spisak učesnika i materijale podnesene tokom i nakon Javne rasprave.

S poštovanjem,



Prilozi:

- Izvještaj o Javnoj raspravi o Prijedlogu zakona o izmjeni i dopunama Zakona o zaštiti i dobrobiti životinja
- transkript Javne rasprave
- spisak učesnika
- materijali podneseni tokom i nakon Javne rasprave

Dostaviti:

- imenovanim
- sekretaru Ustavnopravne komisije Doma naroda PSBiH
- a/a